

**KANDUNGAN LIPUTAN HARIAN BULAN JUN 2021**

BIL.	TARIKH	TAJUK BERITA	MUKA SURAT
1.	01.06.2021	Ahmad Nazlan Mendakwa Menteri Campur Tangan – Kes LGM	2
2.	10.06.2021	GLC Perlu Dikendali Profesional	3
3.	10.06.2021	Enam Staf Bank Minta Suapan Direman	4
4.	11.06.2021	Tidak Mengaku Salah Terima Suapan RM7,000	5
5.	16.06.2021	Pegawai SPRM, Ahli Perniagaan Didakwa Terima Rasuah	6
6.	17.06.2021	Empat Direman Minta Rasuah Tender RM42J	7
7.	18.06.2021	Kakitangan MPS Didakwa Bocor Harga Tender	8
8.	23.06.2021	Eksekutif Direman Bantu Kes Rasuah RM39,000	9
9.	24.06.2021	Dalang Projek Kaut RM1 Juta	10
12.	24.06.2021	Bekas Pengurus MARDI Dituduh Salah Guna Kuasa	11
13.	25.06.2021	Pengurus Syarikat Disiasat Bolot Projek RM60 Juta	12

Utusan Malaysia | 1 Jun 2021 | Page 6

## Ahmad Nazlan dakwa menteri campur tangan

**JERANTUT:** Menteri Perusahaan Perladangan dan Komoditi, Datuk Dr. Khairuddin Aman Razali didakwa campur tangan dalam isu penjualan dan pajakan tanah milik Lembaga Getah Malaysia (LGM) yang diuruskan oleh LGM Properties Corporation (LGMPc).

Bekas Pengerusi Lembaga Getah Malaysia (LGM), Datuk Ahmad Nazlan Idris yang membuat dakwaan tersebut berkata, atas sebab itu juga, beliau tampil memberikan penjelasan kerana namanya telah dikaitkan dalam isu berkenaan.

Malah, Ahli Parlimen Jerantut itu mengaku-alukan siasatan Suruhanjaya Pencegahan Rasuah Malaysia (SPRM) berhubung isu penjualan dan pajakan tanah berkenaan.

"Saya tidak lagi menjadi Penggerusi LGM setelah tamat

kontrak pada 14 April lalu. "Saya tidak terlibat (dalam isu jual tanah) dan saya sahkan Ahli Lembaga Pengarah LGM amat mengambil berat serta cakna dengan tadbir urus LGMPc," katanya dalam sidang akhbar di Pejabat Perkhidmatan Parlimen Jerantut di sini, semalam.

Sebelum ini, sebuah pertubuhan bukan kerajaan (NGO) mendakwa Khairuddin meluluskan pajakan dan penjualan dua bidang tanah milik LGM di Jalan Ampang di bawah harga pasaran.

Bagaimanapun, dakwaan itu dinafikan oleh Khairuddin, malah beliau telah membuat laporan polis terhadap dakwaan berkenaan.

LGM dalam kenyataan turut memaklumkan, belum ada sebarang perjanjian jual beli ditandatangani oleh mana-mana



AHMAD NAZLAN IDRIS

pihak berhubung penjualan tanah yang dimaksudkan itu.

Menjelaskan lebih lanjut, Ahmad Nazlan berkata, satu jawatankuasa ditubuhkan

dan tindakan serta langkah penambahbaikan juga dibuat oleh LGM, namun menteri berkenaan campur tangan dan membiarkan LGMPc berjalan seperti biasa.

"Dalam itu sewaan tanah 70 sen sekaki, LGM hanya bersetuju untuk pajakan lima tahun + 10 tahun. Namun menteri berkenaan mahukan 5 + 10 + 10 menjadikan 25 tahun."

"Hasil yang diperoleh oleh LGM selepas 25 tahun melebihi RM1 bilion sekiranya diuruskan dengan cara yang lebih baik berbanding dengan hasil sewaan cuma RM42 juta sahaja kepada syarikat milik seorang rakyat Turki," katanya.

Berkaitan dengan isu penjualan tanah warisan, Ahmad Nazlan berkata, tindakan terakhir beliau adalah menulis surat kepada Jabatan Warisan Negara

kerana tanah itu adalah tanah warisan.

"Jurus saya tekankan segala tuduhan terhadap diri saya adalah tidak benar dan saya telah cuba bersama dengan Ahli Lembaga Pengarah (ALP) yang lain dalam menjalankan tugas dengan penuh integriti," katanya.

Ahmad Nazlan berkata, ALP turut menubuhkan tiga jawatankuasa khas termasuk audit dalaman bagi membetulkan isu dalaman LGM.

"ALP sangat komited mengrusak dengan baik kira kira 1.5 bilion aset LGM yang juga harta seramai 450,000 orang kekebum kecil seluruh negara," katanya.

Beliau juga mengulangi pendiriannya menolak jawatan Penggerusi Lembaga Minyak Sawit Malaysia (MPOB) setelah tamat jawatan Penggerusi LGM baru-baru ini.

Utusan Malaysia | 10 Jun 2021 | Page 34

## GLC perlu dikendali profesional

Oleh NURFARAHIN HUSSIN  
farain.hussin@mediamulia.com.my

**PETALING JAYA:** Syarikat milik kerajaan (GLC) perlu dikendali oleh profesional sekali gus memberi isyarat kepada pelabur antarabangsa dan swasta bahawa negara sentiasa mengamalkan ketelusan dalam pengurusannya.

Menurut pakar sektor awam utama Rajni Bajpai, pada masa hadapan, kerajaan juga perlu melihat kerjahan untuk mereka berada dalam perniagaan tersebut dan sebaliknya.

"Mungkin mereka telah berkhidmat selama 20 tahun namun sudah tidak relevan. Perkara ini bukan untuk menyingkirkan sesiapa, tetapi mungkin individu tersebut boleh dilatih semula dan diletakkan di bahagian bersesuaian bagi pengru-

san yang lebih efisien.

"Ini juga akan memberikan persaingan yang lebih setara untuk sektor swasta dan awam, yang mempunyai implikasi jangka panjang terhadap pertumbuhan," katanya dalam perbincangan panel bertajuk *Menghapuskan Rasuah: Peranan Utama Sektor Awam semasa Persidangan Institut Aktauntan Malaysia (MIA) secara maya, semalam.*

Jelas beliau, selain mendapatkan pengurusan profesional dan bebas daripada campur tangan politik, mengaudit, meneliti perbelanjaan serta akaun, GLC akan turut membantu proses reformasi GLC di negara ini.

"Mengenai tahap rasuah yang dirasakan di sektor awam, terdapat perbezaan ketara antara rasuah berskala kecil dan yang berskala besar.

"Kebanyakannya menggunakan teknologi secara efektif bagi menangani rasuah berskala kecil dan ini hanya akan berhasil dengan penyediaan 'komponen analog.'

"Teknologi harus digunakan sebaiknya dan kerajaan perlu mendidik masyarakat menggunakan pakai teknologi tersebut manakala sektor awam perlu bersiap siaga mengaplikasikannya dengan tujuan yang tepat," ujarnya.

Sementara itu, Ketua Pegawai Eksekutif Transparency

International New Zealand, Julie Haggie memaklumkan, pendekatan proaktif terhadap ketelusan secara tidak langsung akan membina kepercayaan.

"Terdapat banyak cara untuk membina budaya integriti dalam organisasi dan kebertanggungjawabans dalam perkhidmatan awam, namun ia perlu bermula dari atas.

"Malaysia telah menunjukkan kemajuan dalam menangani rasuah namun perlu memperbaiki pelaksanaan Undang-undang Perkhidmatan Awam supaya dapat membendung rasuah dengan lebih efektif," tambah beliau.



**Selain mendapatkan pengurusan profesional dan bebas daripada campur tangan politik, mengaudit, meneliti perbelanjaan serta akaun, GLC akan turut membantu proses reformasi GLC di negara ini."**

RAJNI BAJPAI



Utusan Malaysia | 10 Jun 2021 | Page 10

## Enam staf bank minta suapan direman

**SHAH ALAM:** Enam kakitangan sebuah bank termasuk seorang penolong pengurus direman tujuh hari semalam bagi membantu siasatan meminta dan menerima wang suapan membabitkan 110 pinjaman peribadi bernilai RM18 juta antara 2018 hingga 2020.


Perintah reman terhadap semua suspek berusia 36 hingga 45 tahun dikeluarkan Majistret Raja Nor Adilla Raja Mahyaldin.

Kesemua suspek yang direman itu membabitkan penolong pengurus, pegawai pemprosesan pembayaran dan dua mangsing-masing ketua unit pembayaran serta kerani.

Menurut sumber, suspek menyasarkan individu tidak layak mendapat pinjaman peribadi, antaranya seperti yang disenaraikan hitam dan mempunyai hutang lapuk.

Sumber berkata, semua suspek yang bekerja lebih lima tahun di beberapa cawangan sebuah bank di sekitar Lembah Klang aktif menjalankan kegiatan itu sejak 2018 hingga 2020 dengan meluluskan 110 pinjaman peribadi bernilai RM18 juta.

"Mereka dipercayai meluluskan permohonan yang sebenarnya tidak layak untuk membuat pinjaman. Antara permohonan yang diluluskan



ENAM pegawai dan kakitangan sebuah bank direman di Mahkamah Majistret Shah Alam semalam bagi membantu siasatan berhubung dakwaan meminta dan menerima rasuah daripada pemohon pinjaman peribadi. - UTUSAN/ZULFADHLI ZAKI

ialah mereka disenaraikan hitam, mempunyai hutang lapuk atau melebihi 60 peratus pendapatan serta dokumen sokongan tidak lengkap seperti pengesahan jawatan sama ada bekerja atau tidak.

"Semua suspek dipercayai meminta dan menerima wang suapan antara 15 hingga 35 peratus daripada keseluruhan transaksi pinjaman ini merentasi ejen perunding kawan-

gan," katanya.

Tambah sumber, siasatan masih diteruskan dan dalam utama dan suspek lain yang terlibat dalam sindiket ini masih dikesan.

Difahamkan, SPRM juga merampas wang tunai berjumlah kira-kira RM69,000 dan beberapa jam tangan mewah serta telefon bimbit daripada suspek dengan nilai keseluruhan sitaan berjumlah lebih

RM100,000.

Terdahulu, semua suspek ditahan kelmarin ketika memberi keterangan di Ibu Pejabat Suruhanjaya Pencegahan Rasuah Malaysia (SPRM) Selangor kira-kira pukul 4.45 petang.

Pengarah SPRM Selangor, Datuk Alias Salim ketika dihubungi mengesahkan penahanan itu dan kes disiasat mengikut Seksyen 16(a) (A) Akta SPRM 2009.

Utusan Malaysia | 11 Jun 2021 | Page 13

## Tidak mengaku salah terima suapan RM7,000

**KUALA LUMPUR:** Seorang pemilik restoran makanan stimbot mengaku tidak bersalah di Mahkamah Sesyen di sini semalam atas pertuduhan menerima rasuah berjumlah RM7,000, tiga tahun lalu.

Tertuduh Cheah Yew Chuen, 34, membuat pengakuan itu selepas pertuduhan dibacakan terhadapnya di hadapan Hakim Azura Alwi.

Mengikut pertuduhan Yew Chuen didakwa secara rasuah menerima suatu suapan melalui cek bernilai RM7,000 daripada seorang individu yang mewakili sebuah premis Pub & Cafe,

Wang rasuah itu dimasukkan ke dalam akaun Maybank milik tertuduh sebagai dorongan agar lelaki itu mempercepat proses pembayaran insentif daripada sebuah syarikat minuman keras berjumlah RM100,000 kepada premis tersebut.

Kesalahan itu dilakukan di Maybank Cawangan Jalan Ipoh Rivercity, Jalan Sultan Azlan Shah di sini pada 27 November 2018.

Berikutnya itu, pertuduhan dikemukakan mengikut Seksyen 16 (a) (A) Akta Suruhanjaya Pencegahan Rasuah Malaysia (SPRM) 2009 dan boleh dihukum di bawah Seksyen

24(1) akta sama.

Hukuman bagi seksyen itu memperuntukkan penjara maksimum 20 tahun dan denda tidak kurang lima kali ganda nilai suapan atau RM10,000 atau mana-mana lebih tinggi jika sabit kesalahan.

Terdahulu, Pegawai Pendakwa SPRM Tuan Attina Tuan Kamaluddin menawarkan jaminan RM10,000 terhadap tertuduh termasuk syarat tambahan supaya memberikan pasport pada pihak mahkamah selain melapor diri di pejabat SPRM.

Bagaimanapun peguam Raja Surian Pillai yang mewakili tertuduh memohon mahkamah mengurangkan jaminan atas alasan anak guamnya telah memberikan kerjasama baik sepanjang siasatan dijalankan selain mempunyai penyakit gout yang memerlukan rawatan.

Selepas mendengar permohonan kedua-dua pihak, mahkamah membenarkan tertuduh diikat jamin sebanyak RM7,000 dengan seorang pengjamin dan menetapkan syarat tambahan seperti yang dicadangkan pihak pendakwaan.

Tarikh 14 Julai ini ditetapkan untuk sebutan kes dan serahan dokumen.



CHEAH Yew Chuen ketika hadir di Mahkamah Sesyen Kuala Lumpur, semalam. - UTUSAN/FAIZ ALIF AHMAD ZUBIR

Utusan Malaysia | 16 June 2021 | Page 12

# Pegawai SPRM, ahli perniagaan didakwa terima rasuah

**SHAH ALAM:** Dua lelaki termasuk seorang pegawai Suruhanjaya Pencegahan Rasuah Malaysia (SPRM) mengaku tidak bersalah di Mahkamah Sesyen di sini atas pertuduhan bersubahat dan menerima rasuah berjumlah RM100,000 pada 14 April lalu.

Tertuduh, Shahrul Izuan Mohd. Zain, 41, dan Teoh Peng Sin, 55, membuat pengakuan tidak bersalah selepas kedua-dua pertuduhan dibacakan secara berasingan di hadapan Hakim Rozilah Salleh.

Berdasarkan pertuduhan, Shahrul Izuan yang bertugas di SPRM Putrajaya didakwa telah bersubahat dengan Peng Sin menerima rasuah wang tunai RM100,000 daripada Tan Chee Sheng.

Ini sebagai dorongan untuk tidak melakukan siasatan di bawah kesalahan Akta Pencega-

han Pengubahan Wang Haram, Pencegahan Pembiayaan Keganasan dan Hasil Daripada Aktiviti Haram 2001 (Akta 613) SPRM terhadap Chee Sheng.

Peng Sin yang bekerja sendiri di Johor Bahru pula didakwa menerima rasuah wang tunai RM100,000 daripada Chee Sheng sebagai dorongan atas perbuatan sama.

Kedua-dua tertuduh didakwa melakukan kesalahan di sebuah kedai kopi dalam sebuah pusat beli-belah di Sepang, 14 April lalu, mengikut Seksyen 16(a)(A) Akta SPRM (Akta 694) dan boleh dihukum di bawah Seksyen 24 Akta yang sama.

Shahrul Izuan pula didakwa melakukan kesalahan di bawah Seksyen 28(1)(c) dan turut dibaca di bawah seksyen yang sama.

Jika sabit kesalahan, kedua-dua tertuduh boleh dihukum penjara maksimum 20 tahun

dan denda tidak kurang dari pada lima kali ganda jumlah suapan atau RM10,000 manapun yang lebih tinggi.

Kedua-dua tertuduh turut mengaku tidak bersalah atas satu lagi pertuduhan pilihan yang masing-masing dibacakan ke atas mereka.

Timbalan Pendakwa Raya daripada SPRM, Fadhlil Ab. Wahab menawarkan jaminan RM10,000 terhadap setiap tertuduh selain diminta melapor diri pada setiap minggu pertama di pejabat SPRM terdekat serta menyerahkan pasport antarabangsa kepada pihak mahkamah.

Mahkamah menetapkan jaminan RM10,000 terhadap setiap tertuduh dan mengarahkan Shahrul Izuan melapor diri pada minggu pertama setiap bulan di pejabat SPRM Selangor dan Peng Sin di Johor Bahru.

Utusan Malaysia | 17 June 2021 | Page 11



SPRM mendapat perintah tahanan reman terhadap empat individu di Mahkamah Majistret Putrajaya, semalam. - UTUSAN/FAIZ ALIF AHMAD ZUBIR

# Empat direman minta rasuah tender RM42j

Oleh MAISARAH SHEIKH RAHIM  
maisarah.rahim@mediamulia.com.my

**PUTRAJAYA:** Suruhanjaya Pencegahan Rasuah Malaysia (SPRM) menahan reman empat individu termasuk seorang penjawat awam yang bertugas di sebuah kementerian bagi membantu siasatan berhubung isu tender pembekalan bagi sebuah agensi penguat kuasa yang bernilai RM42 juta.

Menurut sumber, suspek dipercayai meminta dan membayar rasuah sebanyak lima peratus daripada nilai projek.

Katanya, ia berdasarkan tuntutan kemajuan bagi memperoleh tender perkhidmatan membekal, memproses, mencekat dan mengepos saman se-

buah agensi penguat kuasa yang bernilai RM42 juta.

"Kesemua suspek yang berusia lingkungan 32 hingga 61 tahun itu direman selama enam hari bermula hari ini (semalam)," katanya di sini semalam.

Terdahulu, permohonan tahanan reman tersebut oleh SPM dibenarkan Majistret Shah Wira Abdul Halim di Mahkamah Majistret Putrajaya pagi semalam dan disiasat di bawah Seksyen 16 (a)(A) Akta SPRM 2009.

Difahamkan, kesemua mereka ditahan kira-kira pulak 10 malam kelmarin di Ibu Pejabat SPRM Putrajaya.

Sementara itu, dalam kes berasingan di mahkamah sama,

seorang ahli perniagaan direman<sup>+</sup> selama lima hari bermula semalam kerana dipercayai terlibat dalam pengubahan wang haram.

Suspek dipercayai memperoleh wang menerusi penjualan kereta Ferrari bernilai hampir RM1 juta bukan miliknya bagi membeli sebuah kereta Lamborghini bernilai RM1.8 juta untuk dirinya.

Sumber berkata, suspek berusia 43 tahun itu ditahan kira-kira pulak 5.20 petang semalam di Ibu Pejabat SPRM Putrajaya.

Kes disiasat mengikut Seksyen 4 Akta Pencegahan Pengubahan Wang Haram, Pencegahan Pembiayaan Keganasan dan Hasil daripada Aktiviti Haram (AMLA) 2001.

Utusan Malaysia | 18 June 2021 | Page 11

## Kakitangan MPS didakwa bocor harga tender

**KUALA LUMPUR:** Seorang penolong juruukur Majlis Perbandaran Selayang (MPS) didakwa di Mahkamah Sesyen di sini semalam atas dua pertuduhan menerima rasuah RM5,600 berhubung pembocoran maklumat sebut harga anggaran tender jabatan itu, empat tahun lalu.

Tengku Kamarul Ariffin Raja Jalil, 42, mengaku tidak bersalah selepas kedua-dua pertuduhan dibacakan di hadapan Hakim Rozina Ayob.

Bagi pertuduhan pertama dan kedua, tertuduh didakwa menerima suapan RM5,600 daripada seorang lelaki.

Wang itu sebagai upah atas maklumat sebut harga MPS kepada lelaki tersebut.

Difahamkan, sebut harga yang dibocorkan itu adalah berkaitan dengan tender.

Kedua-dua kesalahan itu didakwa dilakukan pada 22 April dan 16 Ogos 2017.

Bagi kedua-dua pertuduhan itu, Tengku Kamarul Ariffin didakwa mengikut Seksyen 17(a) Akta Suruhanjaya Pencegahan Rasuah Malaysia (SPRM) 2009 dan boleh dihukum dibawah Seksyen 24(1) akta sama.

Akta tersebut memperuntukkan hukuman penjara maksimum 20 tahun dan denda tidak kurang lima kali ganda nilai suapan atau RM10,000 mengikut mana-mana lebih tinggi jika sabit kesalahan.



**TENGKU** Kamarul Ariffin Raja Jalil (tengah) diiringi pegawai SPRM ke Mahkamah Sesyen Kuala Lumpur semalam bagi menghadapi pertuduhan rasuah. - UTUSAN/NORLIZAH ABAS

# Eksekutif direman bantu kes rasuah RM39,000

**SHAH ALAM:** Seorang eksekutif sebuah syarikat swasta direman tujuh hari bermula semalam oleh Mahkamah Majistret Shah Alam bagi membantu siasatan kes rasuah bernilai RM39,000 antara tahun 2018 hingga kini.

Timbalan Pendaftar, A. Karthiyayini menetapkan perintah reman sehingga 28 Jun ini selepas membenarkan permohonan dilakukan pihak Suruhanjaya Pencegahan Rasuah Malaysia (SPRM).

Kes itu melibatkan balasan bagi memastikan syarikat-syarikat tertentu terus mendapat kontrak pembersihan.

Utusan Malaysia | 24 Jun 2021 | Page 12

# Dalang projek kaut RM1 juta


Oleh MAISARAH SHEIKH RAHIM  
maisarah.rahim@mediamulia.com.my

**PUTRAJAYA:** Disyaki menerima rasuah pelbagai bentuk berjumlah kira-kira RM1 juta sebagai balasan membantu 11 syarikat mendapatkan kontrak, seorang penolong setiausaha bahagian sebuah kementerian ditahan Suruhanjaya Pencegahan Rasuah Malaysia (SPRM).

Menurut sumber, difahaman suspek berkenaan menerima suapan antara tahun 2016 hingga kini berbentuk wang tunai berjumlah kira-kira RM300,000 selain barang kemas dan tanah lot berkeluasan 0.81 hektar.

Bukan itu sahaja, ganjaran lain yang didakwa diterima suspek adalah rumah kedai dua tingkat dan sebuah motosikal yang jumlah keseluruhannya dianggarkan lebih RM1 juta sebagai balasan membantu 11 syarikat mendapatkan projek bekalan am, perkhidmatan dan pengangkutan di kementerian terbabit.

"Suspek lelaki berusia 46 tahun itu ditahan di Ibu Pejabat SPRM kira-kira pada pukul 9 malam semalam (kelmarin) selepas hadir memberikan keterangan," katanya di sini semalam.



**PENOLONG** setiausaha bahagian sebuah kementerian dibawa ke Mahkamah Majistret Putrajaya, semalam.  
- IHSAN SPRM

Terdahulu, perintah reman lima hari bermula semalam dikeluarkan oleh Majistret Shah

Wira Abdul Halim di Mahkamah Majistret Putrajaya selepas pihak SPRM membuat permohonan tersebut pagi semalam.

Kes disiasat di bawah Seksyen 17 (a) Akta SPRM 2009.

Utusan Malaysia | 24 Jun 2021 | Page 11

MOHD. Saiful Nizam didakwa atas pertuduhan menyalahgunakan kuasa membabitkan projek bernilai RM17,000 di Mahkamah Sesyen Kuala Terengganu, Terengganu, semalam. - UTUSAN/ PUQTRA HAIRY ROSLI



# Bekas pengurus MARDI dituduh salah guna kuasa

Oleh ROSALINDA MD. SAID  
rosalinda.said@mediamulia.com.my

**KUALA TERENGGANU:** Bekas pengurus inkubator Institut Penyelidikan dan Kemajuan Pertanian Malaysia (MARDI) mengaku tidak bersalah di Mahkamah Sesyen di sini semalam atas pertuduhan menyalahgunakan kuasa membabitkan projek bernilai RM17,000, enam tahun lalu.

Tertuduh, Mohd. Saiful Nizam, 40, yang sebelum ini berkhidmat di MARDI Besut membuat pengakuan tersebut selepas pertuduhan dibacakan di hadapan Hakim Nooriah Osman.

Mengikut pertuduhan, tertuduh didakwa menggunakan jawatannya dengan mencadangkan sebut harga paling rendah syarikat milik sekutunya untuk mendapatkan kerja-kerja penambahbaikan sistem pemotongan bagi mempelbagaikan produk hasilan kilang jejari berjumlah RM17,000 pada Mac 2015.

Mohd. Saiful didakwa mengikut Seksyen 23 Akta Suruhanjaya Pencegahan Rasuah Malaysia (SPRM) 2009 yang memperuntukkan hukuman penjara sehingga 20 tahun dan denda tidak kurang daripada

lima kali ganda jumlah atau nilai suapan atau RM10,000, mengikut mana-mana yang lebih tinggi.

Pendakwaan dikendalikan Pegawai Pendakwa SPM, Nur Athikah Aziz manakala tertuduh diwakili peguam, Mohd. Asaari Salleh.

Mahkamah menetapkan 26 Julai depan untuk sebutan semula kes dan tertuduh dibenarkan diikat jamin RM3,000 dengan seorang penjamin di samping melapor diri ke SPM Terengganu setiap awal bulan serta menyerahkan pasport antarabangsa.

## Pengurus syarikat disiasat bolot projek RM60 juta

**PUTRAJAYA:** Seorang pengurus syarikat ditahan reman Suruhanjaya Pencegahan Rasuah Malaysia (SPRM) kerana disyaki terlibat dalam kegiatan rasuah bagi mendapatkan kontrak bernilai RM60 juta.

Penahanan itu susulan tahanan reman penolong setiausaha bahagian sebuah kementerian semalam kerana disyaki menerima rasuah pelbagai bentuk berjumlah kira-kira RM1 juta sebagai balasan membantu 11 syarikat mendapatkan kontrak.

Menurut sumber, suspek dipercayai bersekongkol dengan penolong setiausaha bahagian tersebut bagi memonopoli projek-projek bernilai RM60 juta di kementerian terbabit sejak tahun 2018.

"Sindiket tersebut dipercayai membolot kira-kira 16 projek yang melibatkan 11 kali pembayaran rasuah," katanya semalam.

Difahamkan, suspek lelaki berusia 43 tahun itu ditahan di Ibu Pejabat SPM kira-kira pada pukul 12 malam semalam selepas hadir memberikan keterangan.

Terdahulu, perintah reman selama empat hari bermula hari ini sehingga 27 Jun itu dikeluarkan Penolong Pendaftar, Roslizawati Mohd. Zaini di Mahkamah Majistret Putrajaya selepas SPM membuat permohonan tersebut semalam.

Kes disiasat di bawah Seksyen 17 (a) Akta SPM 2009.



**Sindiket itu dipercayai membolot kira-kira 16 projek melibatkan 11 kali pembayaran rasuah."**

SUMBER